

## **AKILERAARTARNERMUT AQUTSISOQARFIK**

Ulloq 14. december 2018.

### **Kalaallit Nunaanni suliffeqarfinni imigassanik ethanolimik akulinnik tunisassianik akuersissuteqarnermut atatillugu ilitsersuut**

#### **1. Inatsit tunngavissaq**

Ilitsersuutip imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaat nr. 20, 11. december 2003-imeersoq pingaarnerusumik aallaavigaa. Aammattaaq Aningaussarsianit akilerârutit pivdlugit landstingip inatsisâ nr. 5, 19. maj 1979-imeersumut innersuussisoqarpoq, kingusinnerusukkut allannguutilik.

#### **2. Suliffeqarfimmik nalunaarsuineq (uninngasuutinik peqqumaasiviit)**

Suliffeqarfiit imigassanik ethanolimik akulinnik sanasartut uninngasuutinik peqqumaasivittut nalunaarsorneqartassapput. Nalunaarsuineq immersugassakkut ilanngullugu nassiunneqarsimasoq atorlugu pissaaq. Nalunaarsuinermi suliffeqarfiit tamarmik ilanngunneqartarput, tunisassiorneq tamarmi ilaa-luunniit avammut tunisinerunersoq apeqqutaatinnagu.

Suliffeqarfiit arlalinnik tunisassiorfittut immikkoortorta qarfillit tamarmik immikkuutaarlutik tunisassiorfittut immikkoortorta qarfikkaarlutik nalunaarsorneqartassapput.

Suliffeqarfiup tunisassiorfittut immikkoortorta qarfiit/niuerfiit tamaasa pillugit nalunaarsukkamut ilanngunneqartussatut kissaatigineqartut nalunaarutiginninnermik nalunaarutiginnissummi paasititsissutigineqassapput.

Nalunaarsuineq pillugu qinnuteqaat Akileraartarnermut Aqutsisoqarfik, Postboks 1605, 3900 Nuukmut nassiunneqassaaq.

Nalunaarsuinermik nalunaarutiginninneq immersugassakkut Akileraartarnermut Aqutsisoqarfimmit imaluunniit [www.nanoq.gl](http://www.nanoq.gl)-ikkut piniarneqarsinnaasoq atorlugu pissaaq.

#### **3. Nalunaarsuinermik ilanngussineq**